

Na temelju tačke III. Odluke o usvajanju Programa utroška dijela sredstava sa kriterijima raspodjele sredstava „Transfer za poticaj razvoja, poduzetništva i obrta“ Vlade Federacije Bosne i Hercegovine V.broj 258/08 od 04.04.2008. godine („Službene novine Federacije BiH“, broj 19/08), članka 9. Pravilnika o postupcima u provedbi programa razvoja malog gospodarstva („Službene novine Federacije BiH“, broj 21/08), Federalno ministarstvo razvoja, poduzetništva i obrta raspisuje

## **JAVNI NATJEČAJ**

**za odabir korisnika kreditnih sredstava, iz sredstava „Transfer za poticaj razvoja poduzetništva i obrta“, radi realizacije pilot Programa „Kreditni poticaj razvoja poduzetništva i obrta“.**

### **I. PREDMET NATJEČAJA**

Predmet javnog natječaja je prikupljanje prijave za odabir korisnika kreditnih sredstava iz dijela sredstava „Transfer za poticaj razvoja poduzetništva i obrta“ utvrđenog u razdjelu 50. Proračuna Federacije Bosne i Hercegovine za 2008. godinu („Službene novine Federacije BiH“, broj 97/07), Federalnom ministarstvu razvoja, poduzetništva i obrta, radi realizacije pilot Programa „Kreditni poticaj razvoja poduzetništva i obrta“.

Sredstva za realizaciju pilot Programa iz stava 1. ove točke, u iznosu od 2.000.000,00 KM, plasirat će se putem Investicijske banke Federacije Bosne i Hercegovine, na revolving osnovi sa rokom povrata sredstava na JRR Proračuna Federacije Bosne i Hercegovine od sedam godina, grejs periodom od godinu dana i kamatnom stopom 1,5 %. Iznos kredita po korisniku može iznositi za d.d. i d.o.o. od 50.000,00 do 200.000,00 KM, a za obrte od 30.000,00 do 100.000,00 KM. Jednokratni troškovi obrade kredita od strane Investicijske banke Federacije Bosne i Hercegovine iznose 1 % od odobrenog iznosa kredita.

Cilj pilot Programa je da se na bazi komisione kreditne linije pruži financijska podrška mikro, malim i srednjim poduzećima koja imaju dovoljne kapacitete ili obezbjeđuju nove kapacitete, a neophodna su im dodatna ulaganja u stalna i obrtna sredstva koja će omogućiti proširenje proizvodnje, povećanje nivoa usluga, veće iskorištenje proizvodnih i uslužnih kapaciteta, ulaganja u razvoj i nabavu novih tehnologija, razvoj novih proizvoda i usluga, povećanje zaposlenosti.

### **II. KORISNICI KREDITA - PRAVO UČEŠĆA**

Korisnici kredita mogu biti: pravna lica–subjekti malog gospodarstva, mikro, mala i srednja poduzeća registrirani kao d.d., d.o.o. i obrti čije je sjedište na području Federacije Bosne i Hercegovine, a nalaze se u 100%-tnom privatnom vlasništvu državljana BiH, te imaju najmanje 5 zaposlenih na neodređeno vrijeme.

### **Važna napomena**

Podnosioci prijave koji nisu opravdali dobivena financijska sredstva ovog ministarstva po **ranije** preuzetim obvezama korištenja poticajnih sredstava do završetka ovog natječaja, nemaju pravo učešća na ovom natječaju, odnosno njihove prijave se neće uzeti u razmatranje.

Podnosioci prijave mogu ostvariti pravo na dodjelu financijskih sredstava samo na jednom Javnom natječaju koji raspisuje ovo ministarstvo.

### **III. SADRŽAJ PRIJAVE POTREBNE ZA OBRADU KREDITNOG ZAHTJEVA**

Prijava mora biti urađena sadržajno po elementima zahtijevanim u potrebnoj dokumentaciji. Prijavu za učešće će razmatrati Stručno povjerenstvo samo ako su dostavljeni:

#### **1. Zahtjev za dodjelu kredita po pilot projektu**

Potpuno, uredno i čitko popunjen obrazac „Zahtjev za dodjelu kredita po pilot projektu“ koji se nalazi u potrebnoj dokumentaciji.

#### **2. Prilozi**

Pod prilogima podrazumijevaju se oni prilozi – dokumenti, koji se traže od podnosioca prijave, kojima podnositelj prijave dokazuje da li je kompetentan, pouzdan i da li redovno ispunjava svoje zakonske obaveze (pod 2.1.), kao i potrebna dokumentacija za obezbjeđenje kredita (pod 2.2.).

**Popis potrebne dokumentacije dat je u slijedećoj tabeli, u kojoj su naznačeni potrebni dokumenti za pojedinu kategoriju korisnika.**

##### ***2.1. Potrebna dokumentacija***

<b>R/b</b>	<b>Potrebna dokumentacija / Podnositelj prijave</b>	<b>d.d. i d.o.o.</b>	<b>obrti</b>
1.	Sudsko rješenje o registraciji - kompletna prva registracija poduzeća i sve izmjene i dopune iste ili izvadak iz promjena registracije, izdat od strane suda	•	
2.	Rješenje o registraciji od nadležnog općinskog organa		•
3.	Uvjerenje o poreznoj registraciji	•	•
4.	Obavještenje o razvrstavanju subjekta prema djelatnosti (Zavod za statistiku)	•	•
5.	Uvjerenje o registraciji obveznika poreza na dodanu vrijednost (ukoliko je po Zakonu o porezu na dodanu vrijednost u sistemu)	•	•
6.	Bilanca stanja i bilanca uspjeha – ovjereni godišnji obračuni poduzeća za prethodne 3 (tri) godine	•	
7.	Prijava za razrez poreza na dobit od obrtničke djelatnosti za prethodne 3 (tri) godine		•
8.	Uvjerenje o izmirenim obvezama od porezne uprave	•	•
9.	Uvjerenje o izmirenim obvezama po osnovu PDV-a (ukoliko je po Zakonu o porezu na dodanu vrijednost u sistemu)	•	•
10.	Uvjerenje o redovnom izmirenju PIO/MIO sa brojem djelatnika	•	•
11.	Uvjerenje o redovnom izmirenju zdravstvenog osiguranja sa brojem osiguranika	•	•
12.	Uvjerenje o nekažnjavanju - u posljednjih 5 godina fizičke ili odgovorne osobe	•	•
13.	Uvjerenje o ne-stečaju / likvidaciji	•	
14.	Uvjerenje o ne-prestanku obavljanja obrtničke djelatnosti		•
15.	Referens lista	•	•
16.	Izveštaj neovisnog revizora, gdje zakon propisuje obavezu revizije	•	•
17.	Karton deponovanih potpisa lica ovlaštenih za zastupanje i potpisivanje, sa ovjerenim kopijama njihovih ličnih karata	•	•
18.	Izjava o postojećim kreditnim ili lizing zaduženjima sa suglasnošću tražioca kredita da ovlašteni zaposlenici ministarstva i IB FBiH imaju pravo pristupa Centralnom registru kredita u CB BiH i to u momentu odobravanja kredita kao i za vrijeme trajanja kredita, a u cilju provjere kreditne zaduženosti i drugih podataka kojima raspolaže Centralni registar	•	•
19.	Ostali dokumenti za koje podnositelj prijave ocijeni da mogu biti od značaja za ocjenu kreditnog zahtjeva (ugovori o poslovnoj suradnji, preporuke, predračuni, prospekti, ...)	•	•

Svi zahtijevani prilozi–dokumenti, moraju biti izdati od strane nadležnih sudskih ili upravnih organa Federacije BiH (izuzev uvjerenja za PDV). Priložena dokumenta ne smiju biti stariji od 3 (tri) mjeseca od dana objavljivanja Javnog natječaja u Službenim novinama Federacije BiH, izuzev rješenja o registraciji pravnog subjekta, uvjerenja o poreznoj registraciji i uvjerenja o registraciji PDV-a. Sve priložene kopije dokumenata moraju biti ovjerene od strane nadležnih upravnih organa ili notara ovjerom ne starijom od 3 (tri) mjeseca od dana objavljivanja Javnog natječaja u Službenim novinama Federacije BiH.

## **2.2. Instrumenti osiguranja**

Kredit se obezbjeđuje u skladu sa bankarskom procedurom i slijedećim instrumentima osiguranja :

-hipotekom na nekretnine u minimalnom odnosu 1:2, zalogom pokretnih stvari u odnosu 1:3, (izjava podnosioca zahtjeva da će hipotekom ili zalogom obezbijediti kreditna sredstva sa procjenom sudskog vještaka o procijenjenoj vrijednosti imovine, sa dokazima da su vlasnici ponuđenih nekretnina – z.k. izvadak na stariji od 30 dana, odnosno dokaz da su vlasnici ponuđenih pokretnih stvari koje daju u zalog),

**ili**

-bankarskom garancijom ( pismo namjere poslovne banke da će izdati bankarsku garanciju ukoliko se odobri kredit)

## **3. Investicioni projekt**

Investicioni projekt koji mora biti urađen u skladu sa propisanim sadržajem projekta priloženim u potrebnoj dokumentaciji, a koji se može preuzeti i na web stranici ministarstva [www.fmrpo.gov.ba](http://www.fmrpo.gov.ba). Uz investicioni projekt potrebno je priložiti i poslovni plan koji je u elektronskoj formi dat u potrebnoj dokumentaciji, a također se može preuzeti i na web stranici ovog ministarstva. Poslovni plan mora biti urađen u elektronskoj formi i dostavljen u štampanom obliku.

## **IV. KRITERIJ ZA OCJENU PRIJAVE I IZBOR KORISNIKA**

Kriterij za izbor programa su: kvaliteta programa, vrsta djelatnosti, orijentiranost ka izvozu, povećanje uposlenosti i nivo samofinanciranja.

Pri odlučivanju Stručno povjerenstvo će prednost dati zahtjevima koji omogućuju:

- povećanje proizvodnje
- povećanje izvoza
- povećanje konkurentnosti na domaćem i inozemnom tržištu
- povećanje zaposlenosti
- povećanje i razvoj kvalitete proizvoda i usluga
- energetski učinkovit i štedljiv sustav
- visok stupanj ekološke zaštite, te poboljšanje kvalitete života.

Prijedlog za izbor korisnika kredita vršit će Stručno povjerenstvo, koje imenuje federalni ministar razvoja, poduzetništva i obrta. Stručno povjerenstvo, rukovodeći se ocjenom boniteta podnosioca zahtjeva, kvalitetom projekta i opravdanosti ulaganja, utvrđuje prijedlog korisnika na osnovu kriterija iz stavka jedan i dva ovog poglavlja. Konačnu odluku o dodjeli kreditnih sredstava donosi ministar, vodeći računa o ravnomjernom regionalnom razvoju. Lista korisnika kredita iz finansijskih sredstava iz stavka dva poglavlja I. ovog javnog natječaja, objavit će se u „Službenim novinama Federacije BiH“.

Ugovori o dodjeli poticajnih kredita sa korisnicima kredita zaključivat će se sa Investicijskom bankom Federacije Bosne i Hercegovine, nakon što banka prihvati ponuđeni instrument osiguranja iz tačke 2.2.– kolaterala (upis hipoteke i/ili založnog prava, ili garanciju banke). Kontrolu namjenskog utroška kredita vršit će Investicijska banka Federacije BiH. Ugovorom će se definirati način korištenja kreditnih sredstava ovisno o ponuđenom projektu.

#### **V. NAČIN PREUZIMANJA POTREBNE DOKUMENTACIJE**

Potrebnu dokumentaciju za prijavu za učešće na ovom javnom natječaju, pripremi je Federalno ministarstvo razvoja, poduzetništva i obrta i ista se može preuzeti u prostorijama ministarstva u Mostaru, ulica Stjepana Radića 33. u vremenu od 10-15 sati ili elektronskim putem na Web stranici ministarstva.

#### **VI. NAČIN PODNOŠENJA PRIJAVE**

Prijave sa odgovarajućim prilogima iz poglavlja III., šalju se preporučeno poštom ili osobno u zapečaćenim kovertama na adresu: **Federalno ministarstvo razvoja, poduzetništva i obrta, 88000 Mostar, ulica Stjepana Radića 33**, sa naznakom:

**“Ne otvarati–po javnom natječaju za Program „Kreditni poticaj razvoja poduzetništva i obrta“.**

**Na poledini koverte obavezno navesti naziv – ime podnosioca prijave, adresu i kontakt telefon i ovjeriti pečatom firme.**

Rok za dostavu prijave je 30 (trideset) dana od dana objavljivanja ovog Javnog natječaja u „Službenim novinama Federacije BiH“, odnosno do 06.06.2008.godine.

Prijave primljene nakon isteka roka biti će odbačene i neće biti predmet daljeg razmatranja.

U postupku javnog natječaja Ministarstvo ne snosi nikakve troškove učesnicima na natječaju, te zadržava pravo da u slučaju opravdanosti prijavu prihvati u cijelosti ili je u potpunosti odbije ili poništi javni natječaj.

Prispjela dokumentacija neće se vraćati.

#### **VII. OSTALE ODREDBE**

Federalno ministarstvo razvoja, poduzetništva i obrta također zadržava pravo vršenja kontrole namjenskog utroška kreditnih sredstava, sa ovlaštenjem da poništi odluku o dodjeli kreditnih sredstava i izda nalog Investicijskoj banci Federacije Bosne i Hercegovine da raskine kreditni ugovor sa korisnikom kredita, ukoliko ustanovi da korisnik kredita nenamjenski koristi odobrena kreditna sredstva

Sve dodatne informacije vezane za ovaj Javni natječaj mogu se dobiti svakim radnim danom na brojeve telefona: 036/449-120 ili 036/449-145 u vremenu od 10-15 sati kao i na Web stranici ministarstva ( [www.fmrpo.gov.ba](http://www.fmrpo.gov.ba) )